

NAZ.

III

III


~~116 E 8~~

XXXVIII

8

52







MIRTISBI SARPEDONII

PASTORIS ARCADIS

DE VERA ATTICORUM PRONUNCIATIONE

Ad Græcos intra Urbem

DISSERTATIO

Q V A

Cùm ex Historia , tùm ex Veterum Græcorum
Latinorumque testimoniis

PERSPICUE OSTENDITUR,

*Quàm longè bodierna Græcorum pronuntiatio
à veteri discefferit.*



ROMÆ ANNO JUBILÆI MDCCL.


EX TYPOGRAPHIA HIERONYMI MAINARDI.
SUPERIORUM FACULTATE.

Apud Venantium Monaldini, & Nicolaum Pagliarini.

THE UNIVERSITY OF CHICAGO

PHYSICS DEPARTMENT

RECEIVED



LIBRARY

COLLEGII GRÆCI

INTRA URBEM ALUMNIS.

χαίρειν , καὶ εὐπρόσδοκον .



ON diu admodum est Juvenes lectissimi, quum de rectâ Græcæ linguæ pronuntiatio-
ne inter nos sermo fuit ! Di-
sputatio sanè non levis erat,
perstiteritne apud vos cele-
bris illa Atticorum pronun-
ciandi, loquendique ratio : an verò, tempo-
rum sensim vitio in aliam degenerârit ? Pri-
mum quidem vobis extra omne dubium vi-
debatur esse positum : mihi verò alterum,
tametsi non omnino erat perspicuum, mul-
tò certè apparebat credibilius, & vero quasi
proximum . Obtendebatis identidem admi-
rabilem illam, quæ inter vos ubique terra-
rum est, opinionis consensionem ; neque de-
erant , qui ejus mihi rei specimen conti-
nuo exhiberent , aliis quippe Homerum,
Isocraten aliis pari prorsus modo, voceque
prælegentibus . Quod quidem , quantam
in animo meo primâ fronte impressionem

fecerit , non facile queam verbis explicare . Verum enim verò , quum ex eo die hanc in curam diligentius nonnihil cœpissẽm incumbere , tantum abfuit , ut vestræ subscribendum existimârim sententiæ , ut potius , quod dici solet , in contraria omnia discefferim . Subnascebantur quippe ea mihi perpetuò rationum momenta , quæ vestram hanc opinionem omnino infringere , atque convellere videbantur . Quamobrem , cùm vos eorum uberius intelligendorum cupidos intelligerem , non abs re facturum me arbitratus sum , si brevi hac dissertatione planum facerem , non esse hunc vestrum legendi , recitandique morem παρρησιαδότης , ut quidem contenditis : quin potius à veteri illâ , quæ florente Græciâ obtinuit , ἐξουσία , mirum , quantum alienum . Hac sanè in sententia non parum confirmatus fui , quum affecto jam opere in manus meas veniret edita à R. P. Gregorio Placentinio non adeò pridem simili in argumento dissertatio , quâ causam vestram contra adversarios cum laude sustinuit , argumentis quidem & variis , & doctis ; non iis tamen , quæ animo à partium studiis alieno vim magnam facerent . Quare , nequid hâc etiam in parte à quopiam hic desiderari posset , expendi ordine singula , eaque , quantum quidem res postulare vide-

batur , accuratè dilucere conatus sum . Recte ne , an secus id à me præstitum fuerit , alieno potiùs velim iudicio , quàm meo definiri . Cæterùm dabitis mihi veniam opinor , si græcæ Nationis hâc in re consensum minoris fortasse , quàm velletis , æstimavero . Meminisse enim vos oportet , linguam , quâ de agimus ex iis esse , quas *mortuas* appellamus . Addisci à vobis illa hodie non minùs debet , quàm à cæteris per Europam gentibus . Quo fit , ut in pronunciationem antiquam inquirendi alia nobis non supersit via , quàm sola veterum testimoniis innixa ratio . Hujus quidem vim vestrà ex parte præpedire facile potest cùm nationis studium , tùm hausta quondam in scholis præjudicia : mihi verò ejusmodi nihil , quantum quidem existimo , pertimescendum est , non popularium consensus ; græcus enim natione non sum : non patriæ consuetudo ; quippe quæ ubique eadem non est : non denique præceptorum meorum auctoritas ; Siquidem illorum alii vestram , alii eam , quam hîc propugno , sententiam amplectebantur . Sola itaque , ut videtis , ratio est , quæ ad hanc à vobis discessionem faciendam me potuit impellere . Neque illam de trivio sumptam existimate ! mediâ illam è Græciâ , & vetere Latio hausimus : quæ ab


aliiq

vi .

aliis hâc in re præclarè aut dicta , aut inventa fuère , minimè repudianda duximus : obscura multa illustravimus , plurimaque nostra etiam è penu adjecimus . Viros demum & plurimos & gravissimos per sæculorum ordinem attulimus , quorum neque auctoritatem respuere , neque verba alienum in sensum fas erit detorquere . Adferte itaque animos dociles , & qualemcunque hunc conatum nostrum æqui bonique consulite .
Valete .

Romæ Idibus Martiis MDCCL.

P. Federicus Reiffenberg S. I.



ELENCHUS

P <i>Roiegomena in præsentem Dissertationem.</i>	pag. 1.
§. I. <i>Præmittitur succineta narratio de lingua Græca initiis, incremento & fatiis.</i>	1b.
§. II. <i>Statuitur Controversia κρισιμωος.</i>	8
PARS I. <i>Ostenditur, linguam, qua hodie literati in Græcia utuntur multum defecisse à veteri Atheniensium.</i>	10
§. I. <i>Ostenditur defecisse quoad phrasin.</i>	1b.
§. II. <i>Ostenditur defecisse pariter quoad pronunciationem.</i>	15
§. III. <i>Diluuntur argumenta contraria.</i>	19
PARS II. <i>In quibus demum vocalibus, consonantibus, & diphthongis à veterum pronuntiatione discessio facta fuerit.</i>	25
CAP. I. <i>De B consonante.</i>	1b.
CAP. II. <i>De Vocalium sono.</i>	28
§. I. <i>Eta ut e longum pronunciari oportere ostenditur ex ipsa alphabeti, lingueque græca natura.</i>	1b.
§. II. <i>Ostenditur idem ex testimoniis latinorum, & græcorum per seculorum ordinem.</i>	32
§. III. <i>Demonstratur idem ex constanti Vocalis unius in aliam commutatione.</i>	35
§. IV. <i>De sono τ & Υ.</i>	37
CAP. III. <i>De Diphthongis.</i>	38
CAP. IV. <i>Respondetur argumentis R. P. Gregorii Placentinii.</i>	41
PARS III. <i>De reliquis, quæ huc pertinent.</i>	47
CAP. I. <i>De accentibus Græcorum.</i>	1b.
CAP. II. <i>De Versuum quantitate.</i>	50
COROLL. <i>Quanam sit hodie in pronuntiatione via eligenda.</i>	52.

I M P R I M A T U R ,

Si videbitur Reverendissimo Patri Sacri Palatii Apostolici Magistro .

F. M. de Rubeis Archiep. Tharsi Vicegerens .

Dissertationem : *De Hodierna Græcorum Pronunciatione* , a Mirtisbo Sarpedonio Pastore Arcade exaratam Pastoricio Authoris Nomine , & consueto literarii nostri cœtus signo Typis mandari posse censemus .

Zelagus Arassianus P. A.

Melesigenes Penelopeus P. A.

Palmerindus Rhodiensis P. A.

Quando ita visum est Censoribus , qui Dissertationem supra enunciatam perlegerunt , perlectamque probarunt , Pastoritio Nomine illam edere , communique signo imprimere Jus esto . Datum in Arcadum Collegio die vii . post . xx . elasebolionis cadentis Anno i . Olimpiadis dcxxxii . Ab . A. I . Olymp . xv . Anno . iv .

Myrcus Rophaeticus Generalis Arcadiæ Custos .

Loco ✕ Sigilli Cust.

Agemon Batyllianus Administer .

I M P R I M A T U R ,

Fr. Joseph Augustinus Orsi Ordinis Prædicatorum Sacri Palatii Apostolici Magister .

PRO-

PROLEGOMENA^I IN PRÆSENTEM DISSERTATIONEM

§. I.

*Premittitur succincta narratio de lingue Græcæ
initiiis, incremento & fatiis.*



UOD plantis & floribus, idem & linguis evenire solet; ut tenui nimirum rudique ex semine procreata sensim sine sensu sese explicent; vernent deinde, latiusque efflorescant: atque, ubi aliquantulum suo in splendore constiterint, flaccescere demum incipiant, aliosve, dum transferuntur, colores sumere. Vidimus id cum cæteris in linguis, quorum hodie apud nos extat memoria; tum maxime in latina, quæ quàm varias ad hanc usque ætatem vices subierit, literatorum nemo est, qui ignoret. An græca porro melioribus hac in re usa fatiis fuerit, nativamque venustatem suam ad nos usque illibatam conservarit, in præsentī discutiendum sumimus.

2. Certum itaque est ex Grammaticis (a) Cadmum omnium primum è Phœnicia in Græciam attulisse literas. Erant hæ numero omnino 16.; puta: $\alpha, \beta, \gamma, \delta, \epsilon, \iota, \kappa, \lambda, \mu, \nu, \omicron, \pi, \rho, \sigma, \tau, \upsilon$. His postmodum Palamedes

A

des

(a) Vid. Gisb. Cyperum in apothecis Hom., Salmasium, Vossium &c.

des ϑ , ζ , ϕ , χ ; totidemque alias Simonides Melicus adjunxisse perhibetur à Plinio (a) nimirum ξ , η , ψ , & ω .

3. Hinc factum, ut scribendi quoque ratio ea ætate obtineret ab illa, quæ modò utimur, multum diversa; Scribebatur scilicet TEI pro THI, vel $\tau\eta$; $\pi\sigma$ pro ψ ; $\chi\sigma$ pro ξ ; THA pro ϑ ; XHRO pro $\chi\rho$; ΠHA pro $\phi\alpha$ & similia. H enim ea tempestate (quemadmodum adhuc apud latinos, & germanos observatur) non litera erat, sed aspirationis tantum nota (b).

4. Vocalium item η & ω vices tantisper obibant ϵ , & o . Constat id ex Cratylo Platonis, ubi ait: ϵ $\gamma\delta$ η $\chi\rho\omega\mu\epsilon\theta\alpha$, ἀλλὰ ϵ τὸ παλαιόν. & clariùs ex Plinio l. c. priusquam, inquit ille, *græcis inter vocales reperta essent* η ϑ ω , *vicem earum tum apud illos, tum apud nos explebant* ϵ , ϑ o , *O etiam scribi solitum pro syllaba U; E autem pro* ϵ , ϑ η . Hinc est quod in antiquissimis inscriptionibus, inter quas est illa Atheniensis, quam adfert Sponius (in Poleni Thes. Tom. IV. pag. 1278.) ubique occurrunt ΑΘΕΝΟΔΟΡΟΣ, ΕΥΦΑΝΕΣ, ΔΟΡΟΘΕΟΣ &c.

5. Idem etiam post receptum η , & ω factitatum sæpissimè fuisse observare licet ex quibusdam numis apud Vaillantium; aliisque, quos ex Smidtii, & Wetsteinii annotationibus recenset Joannes Clericus. (c) Congessit eorundem magnam farraginem Author thesauri Britannici (d) à pag. 51. apud quem identidem occurrunt: ΑΘΕ. ΘΕΒΗ. ΘΕΣΕΥΣ, ΜΕΤΡΟΠΟΛΕΙΤΩΝ &c. Plura ejusmodi simul

(a) Plin. l. 7. c. 57.

(b) Lipsius de pron. Salmast. Gruter. Cuperus, Vossius &c.

(c) Dans la biblioth. ancienne, & moderne. Tom. VII.

(d) Vid. il Tesoro Britannico del Sig. N. F. Haym.

simul complectitur sequens tetradrachmatis cujusdam Atheniensis inscriptio : ΑΘΕ. ΜΗΤΡΟΔΟΡΟΣ ΚΑΛΛΙΣ ΔΗΜΟΣΘΕ. Ex quibus laudatus Author, pag. 152. rectè infert, Vocales E, & H ab Atheniensibus Sculptoribus, & Chalcographis promiscuè usurpatas fuisse. In eadem sententia est Cuperus, dum numum quendam Antonini Pii à Patino editum exponit, in quo & Diana Ephesina ponitur cum epigraphe : ACTYRHNE pro ἀστυρην. Subdit enim : *nec quenquam movere debet, in numo nostro E pro H poni, cum nihil tam in iis, quam marmoribus frequentius sit (a).* Ostendit id deinceps ex aliis numismatis, ubi ΑΘΕ. pro ΑΘΗ. seu ΑΘΗΝΑΙΩΝ. ΘΕΒΗ. pro ΘΗΒΗ. ΜΕΤΡΟΠ. pro ΜΗΤΡΟΠ. &c. nullo discrimine usurpantur. Confirmat id Jo: Clericus, cum ait : *(b) constat etiam, ε̃ epsilon saepe ab Atheniensibus usurpata fuisse promiscuè : ut ostenditur ex numis & inscriptionibus.*

6. Quæ deinde vocalium apud Græcos antiquiores fuerit ratio, nos docet Velius longus insignis Grammaticus. Eadem, inquit, est nostrarum potestas vocalium, quæ sunt græcorum apud antiquos circa productionem, correptionemque : siquidem apud illos 5. tantum fuerunt vocales α, ε, ι, ο, υ, atque hæc similiter producebantur, corripiebanturque, sicut hodie α, ε, ι, ο, υ, quæ appellantur apud ipsos novæ : postea, ut quidam putant, Simonides invenit duas vocales, quas dixit πανπᾶς, η, & ω, ut essent (quod diligenter advertendum ἀντίστοιχα τῷ ε̃, & τῷ ο̃).

7. His itaque initiis sensim crevit, Græcorum lingua,

A 2

gua,

(a) Loc. cit. Tom. VII. pag. 294.

(b) Il est constant, que l'ετα, & l'εpsilon se mettoient l'un pour l'autre assez fréquemment chez les Athéniens, comme on le fait voir par les inscriptions, & Médailles, loc. cit. Tom. VII. pag. 294.

gua, tantumque demum perfectionis consecuta est gradum, ut suavitate, copia, & energia omnes reliquas longè anteiret. Eamque ob causam dicebat Hor. *Grajis ingenium, grajis dedit ore rotundo Musa loqui*. Cicero ipse, etli laudis cætera parcissimus, Romanæque dignitatis plus æquo studiosus, tantas tamen Atheniensibus hoc in genere prærogativas tribuit, ut nihil supra. *Testis est* (inquit in Bruto) *Græcia, quæ cum eloquentiæ studio sit incensa, tamdiuque excellat in ea, præstetque cæteris . . . quàm hæc est à Græcis elaborata dicendi vis, atque copia* &c. *Athenienses . . .* (ait in Oratore) *quorum semper fuit prudens, sinceramque judicium, nihil ut possent nisi incorruptum audire, & elegans . . . ad Atticorum igitur aures teretes, & religiosas qui se accommodant, ii sunt existimandi Atticè dicere*. Demosthenem porro quantis non effert laudibus in Bruto, & Oratore! *hoc*, inquit (a) *nec gravior extitit quisquam, nec callidior, nec temperantior*. *Nihil* (b) *acutè inveniri potuit in iis causis, quas scripsit, nihil . . . subdole, nihil versutè, quod ille non viderit, nihil subtiliter dici, nihil preste, nihil enucleatè, quo fieri possit aliquid limatiùs; nihil contra grande, nihil concitatum, nihil ornatum vel verborum gravitate, vel sententiarum . . . de Pericle ibid. Hujus suavitate maximè hilarata sunt Athenæ, hujus ubertatem & copiam admirata, ejusdemque vim dicendi, terroremque timuerunt . . . hæc igitur ætas prima Athenis Oratorem prope perfectam tulit; & paulò ante: hæc ætas . . . effudit hanc copiam, & ut opinio mea fert, succus ille, & sanguis incorruptus usque ad hanc æta-*

(a) In Orat. (b) In Brut. sub init.

IN DISSERTATIONEM.

5

etatem Oratorum fuit , in qua naturalis esset , non fucatus nitor . Quæ omnia sanè argumento sunt incredibilem eo tempore Athenis fuisse , & vim in dicendo , & suavitatem , & eloquentiam .

8. Verùm ut omnia facilè defluunt , ita & paulatim admirabilis illa facundia cœpit nescio quid de nativa sua venustate amittere . *Nam ut semel (ait ibid. Tullius) à Piræo eloquentia evehita est ; omnes peragravit insulas , atque ita peregrinata tota Asia est , ut se externis obli-neret moribus , omnemque illam salubritatem Atticæ di-ctionis , quasi sanitatem perderet , ac loqui pene dedisceret .*

9. Quod de cadente eloquentia hoc loco ait Cicero, id & de pronuntiatione tot inter gentes exteras paulatim se corrumpente hodierni affirmant Critici , & ratio per-suadet . Tempus autem deficientis Græciæ in tres potis-simùm epochas tribuunt : prima à diviso post Alexandri mortem imperio ; altera à translata à Constantino Sede imperii ; ac tertia demum ab expugnata à Turcis Con-stantinopoli , Thracia , Palæstina , orisque finitimis initium sumit. De prima ita loquitur du Cange (a): *Quis nescit Alexandri Successores , Reges in Ægypto , & Sy-ria eam ita intulisse linguam , ut præ patrio Syrorum , & Ægyptiorum sermone græcus prævaluerit hinc Syro Macedonum , & Syro-græcorum nata appellatio .* Eodem quoque respexisse videtur Seneca , cùm dixit : *quid sibi volunt in mediis barbarorum regionibus Græcæ Civitates ? quid inter Indos , Persasque Macedonicus sermo ?* &c. de altera epocha hunc in modum disserit laudatus Author : (b) *Verùm tum maximè in græca lingua accidit depravatio ,*
cùm

(a) In Glossario Græcitatibus in præfat. (b) Ibid. num. 5.

cum Constantinus M. in Thracia fixit sedem imperii. Et Julianus Imper. (a) barbariem quam ex nationum exterarum commercio contraxerat, his verbis deplorat. τὰ δὲ ἱμά, εἰ καὶ φθιγγόμεν ἑλληνισί, θαυμάζον ἄξιον, εἴως ἴσμεν ἐκβαρωμένοι δὲ τὰ χωρία. Num ad me quod attinet, mirum est, si vel græcè loqui possim; tantam ex regionibus istis barbariem contraximus. In ultima denique, quàm fœda linguam hanc invaserit barbaries, videre est apud eundem Du Cange præfatione tota, apud Meursium in Athenis atticis, apud Crusium in Turco-græcia sexcentosque alios cùm græcos, tùm latinos scriptores. Unum hic adduxisse sufficiat Belonium, qui l. i. observ. cap. ii. sic ait: οἱ γὰρ πλησιάζοντες λατίνοι τινὰς φωνὰς ἀναμυγνύουσιν &c. Qui enim latinis vicini sunt, latinas; qui Saracenis, Arabicas; qui Bulgaris, Bulgaricas voces suo sermoni immiscent, præterquam quod præterea in pronuntiatione petularia quedam servant idiomata. Unde mirum non est, quod du Cangius asserat linguam hanc cundo tot sordes contraxisse.... etiam eos, qui ornatiùs scribere volebant, in barbariem incidisse.... ac postremis potissimum sæculis, quidquid hætenus supererat Græcanicæ eruditionis, evanuisse omnino.

10. Ac quoniam de Græcorum eruditione hîc mentio facta est, quis scholarum status fuerit, obiter videamus. De his itaque comperta sunt sequentia: 1. floruisse eas non modò aureo Platonis, Demosthenisque sæculo; verùm etiam suum utcunquè splendorem retinuisse saltem usque ad tempora Concilii Niceni, h. e. ad annum Christi 325. Magistros porro celebres habuisse qua-

(a) Epist. LV, relata ibid.

quatuor in Urbibus, puta Athenis, Constantinopoli, Cæsareæ, & Alexandria, ut ostendit R. P. Jo: Bapt. Sallerni (a). Compertum secundò; studium græcum non omnino quidem, ut in latina Ecclesia, fuisse extinctum; etsi multum fuerit obscuratum ac sexto jamtum sæculo pene neglectum; propterea quòd magna undique ut author est Fleury, (a) per Musulmannos invalesceret ignorantia, dura servitus, linguæ vulgaris mutatio, aliaque studiorum impedimenta. Septimo deinde, atque octavo Sæculo major adhuc studiorum ruina subsecuta est, turbantibus omnia (b) Musulmannis, Scythis, Russis, Bulgaris, *eisdemque pene effectus producentibus quos protulerant in Occidentali Ecclesia Septentrionales populi*. Immo, quod deplorandum magis, in ipsis etiam templis ita exolescere cœpit græcus sermo; ejusque loco pro regionum diversitate vernaculus intrudi, ut soli propemodum Melchitæ græco idiomate ritus peragere pergerent. *Græca lingua, verba sunt Fleurii (c) conservata apud neminem fuit, nisi per Religionem apud solos Melchitas; Nestoriani enim Syriaco sermone utebantur in templis; Jacobitæ Coptico, aut antiqua Ægyptio: ac proinde, cum omnes libri sacri, & profani græcè olim conscripti essent, necesse erat eos aut vertere, aut linguam illam addiscere; id quod studia rottebat admodum difficilia &c.*

II. At-

(a) In Specim. Orient. Ecclesiæ. P. 1. c. 10. de statu literario.

(b) Fleury ad annum 600. Tom. XIII: hæc habet: *les Musulmans sans exterminer absolument le Christianisme diminuerent extrêmement le nombre des vrais chrétiens, & les commoditez d'étudier, le changement de langue y contribua.*

(c) *Le Grec ne fut conservé, que par la religion, & chez les Melchites seulement, car les Nestoriens faisoient leur service en Syriaque, & les Jacobites en Cofre, où ancien Égyptien. ainsi comme tous les livres Ecclésiastiques où profanes étoient en Grec, il fallut les traduire, où apprendre cette langue, ce qui rendit les études bien plus difficiles.*

11. Atque hic ferme erat Græciæ universæ status, usque dum Basilio Macedonio imperante Photius jacentiā diu studia excitavit denuo, & quasi postliminio revocavit. Plura de his qui volet, consulat *præfationem du Cangii in Glossarium; Crusii Turco-græciam, Fleurii historiam Eccles. R. P. Salerni Specim. Orient. Ecclesia*; aliosque Autores à nobis relatos.

§. II.

Statuitur Controversia κριτικῆν.

12. **P**Ræmissa tantisper hac rerum deinceps dicendarum quasi promulsione, ad ipsum controversiæ caput veniamus. Et quantum ego quidem existimo, quæstio hic esse non potest de primæva illa lingua Cadmea; neque de vulgari, quæ hodie inter græcam plebem obtinet. Utramque enim à celebri illo Atticorum sermone, & elocutione immane quantum dissidere in aperto est. Tota igitur controversia eò demum recidit, utrum lingua, quæ Platonis, Demosthenisque ævo tantopere Athenis floruit, & foris æstimata fuit eadem sit cum illa, qua hodie inter vos utuntur viri literati in scholis, & templis; an verò temporibus deinde consecutis quidquam in pronuntiatione vel phrasi contraxerit vitii?

13. Huic ut quæsito plenius respondeam, ostendere conabor primò, hanc vestram linguam à veteri longè recessisse & quoad phrasin (& quod hic maximè agitur), quoad vocalium, diphthongorumque pronuntiationem. Conjecturis deinde variis, nec longè petitis, eruere stude-

IN DISSERTATIONEM. 9

studebo , in quarum demum diphthongorum , vocalium , consonantiumve prolatione ab antiquis discessum fuerit . Tum argumenta in contrarium adferri solita accuratè diluam ; ac demum coronidis loco addam quid de vulgatis accentibus , syllabarum quantitate , linguæ suavitatem aliisque hujusmodi rebus sentiendum sit . Claudetur tota disputatio brevi disquisitione , an supposita etiam tanquam vera hac , quam traditurus sum theoria , ad Platoniam potius , an ad receptam hodie inter vos pronunciandi rationem præstet se assuefacere ? conferamus nunc propius pedem , & videamus à qua parte major militet ratio .



PARS PRIMA

Ostenditur, linguam qua hodie literati
in Græcia utuntur multum defecisse
à veteri Atheniensium.

§. I.

Ostenditur defecisse quoad phrasin.

14.



Uabus præcipuè in rebus corrumpi linguæ solent, in phrasi nimirum, & pronuntiatione. Utrumque linguæ vestræ accidisse jam faciam, ni fallor, manifestum; & quoniam non tam de priori, quàm posteriori hîc parte demonstranda laboro, satis erit mihi priorem uno alterove, quod ab exemplo, autoritatève ducitur, argumento comprobasse.

15. Videamus igitur primùm, quæ aliarum hac in re linguarum fuerit conditio; ut vel indè satis appareat, quàm difficilem in vos suscipiatis provinciam; dum linguam hanc vestram communi rerum omnium lege exemptam, nulla corruptione afflatam; nulla coinquinatam labe fidenter asseritis. Atque, ut de Hebraica initium faciamus, quis nescit, quantas illa vices, quàm fœdas mutationes subierit vel ex solo cum gentibus peregrinis commercio? Devenerunt eò in captivitate Babylonica Judæi, ut vernaculi idiomatis obliti, nescio quam

quam ex Chaldæo, Syriacoque idiomate mixtionem fecerint. Biblia ipsa hebræa, & græca (quæ pluris certè, quàm omnes græcæ linguæ apices conservari intererat) aded tamen & librariorum incuriâ, & temporum vitio depravata fuere, ut mendis omnibus literariis, & grammaticis ea repurgare frustra hætenus attentarint eruditi. Argumento sunt tot lectiones variantes, quarum 2484. apud Rob. Stephanum, tot item loca mutila, & deficientia, quorum 280. apud eundem, pluraque alia apud Waltonum & R. P. Natalem Alexandrum longa serie extant (a). Ab Hebræis ad latinos veniamus. Deum immortalem! quanta hic non rerum, vocum, phrasium, orthographiæ, loquelæ facta fuit mutatio! pleni sunt libri, plena antiquariorum, & grammaticorum volumina, quo lectorem nè operam perdamus, consultò remittimus. Revertamur ad Græcos: Plato ipse fateatur in Cratylo, mutatam ad suam usque ætatem fuisse & linguæ sonum, & varias ex gentibus finitimis adscitas voces; easque ita sæpe detortas fuisse, atque inflexas, ut eorum investigari *στυμω*, aut origo vix possit. Idem sæpissimè de latina confitetur Varro (b), & quod ante illorum ætatem accidit, id ante nostram secutis deinde temporibus accidisse quis neget? Maximè cum tot gentibus, tamque variis, græcorum natio identidem commixta fuerit? Candidiore certè animo erat Julianus, & Ovidius, dum ille in epistola supra relata, hic verò sequentibus versibus, quantum linguæ suæ obfuerit cum peregrinis cohabitatio, abunde declarat (c).

(a) Vide ejus Dissert. 40. ad Sæcul. IV. & Waltoni polyglotta.

(b) In lib. de lingua lat.

(c) De Ponto l. 4. eleg. 13.

DISPUTATIONIS

*Nec te mirari (inquit) si sunt vitiosa , decebit
Carmina , quæ faciam pene poeta Getes .*

Ab pudet , & getico scripsi sermone libellum ,

Structæque sunt nostris barbara verba modis .

16. Et vestram vos linguam illimem per tot hominum barbarorum ora fluxisse contendetis ? At quo demum nixi fundamento ? An forte , ut mihi aliquando responsum fuit , quod extent adhuc Platonis , Demosthenis , aliorumque Oratorum , & poetarum scripta ? quod extent Chrysostomi , Basilii , aliorumque liturgiæ , & Euchologia ? verum quid hæc ad rem ? numquid etiam apud latinos Ciceronis , Livii , cæterorumque scripta extant ? an idcirco eundem adhuc in scribendo & loquendo nitorem , & vim servamus ? annon aliæ sensim phrasæ , & loquendi formulæ etiam à scriptoribus cætera doctis inductæ , usurpatæque fuerunt ?

17. Verum quorsum hæc tam operosè contra vos disputo ? nonne & obvia & ad manum sunt exempla pene innumera ejusmodi barbarismorum quæ etiam hodie literati vestri , cum græcè loqui volunt , utuntur . Quoties non audiui , cum vos salutabatis , verba quidem græca , at Syntaxin ridiculam ! cujusmodi sunt . καλ' ἡμέρα *buon giorno* . καλὴ σπέρα , *buona notte* , ἔχετε καλὴν νύκτα &c. ; quibus uti certè Plato vel Demosthenes erubuisset . Dixissent illi potius χαῖρε , εὐτύχει , ὑγιαίνειτε , ἔρρωστο ; aut quod veteres dicebant Christiani φῶς ἀγαθόν , & similia . Quid dicam porro de innumeris hujusmodi aliis , v. c. ἡμὶ παρὼν , *pro adsum* . ἀκούω τὴν λειτουργίαν , *sento la messe* . καλὸς αἰνθρωπος . *un buono da bene* &c. Omitto cætera : Scripsit enim jam pridem de his vocibus (quas scitè appellat λέξεις ξένως εἰρημίνας) librum inte-

grum

grum Dorotheus apud Photium ; congeffit integras myriades illarum Simon Portius , & post illos du Cangius ; quod etiam referri merentur voces plurimæ à latinis mutuatae , græcisque duntaxat scriptæ characteribus , ut sunt κεράτωρ , ληγάτον , κόμπι , ἔγκυσαιών &c.

18. Immo fatentur id ipsi Græci , quorum plures adducit du Cange l. c. Belonius l. 1. observ. c. 11. ita ait : οἱ γὰρ πλῆσιάζοντες λατίνοις &c. *Qui enim latinis vicini sunt , latinas ; qui Saracenis Arabicas ; qui Bulgaris Bulgaricas voces suo sermoni admiscent ; præterquam quod præterea in pronuntiatione peculiaria quædam servant idiomata .* Huic aliisque loco cit. relatis adjungamus. Alexandrum Helladium , hominem natum , educatumque in Græcia , nationisque vestrae defensorem acerrimum in libro , quem inscripsit *de statu præsentis Ecclesiæ græcæ .* Hic , inquam , etsi græcorum studiosissimus , hanc tamen corruptionem manifestè agnoscit , cum ait (m. p. 17.) *deflexisse quidem modernam linguam græcorum à lingua græcorum Homericæ , aliorumque poetarum ; à lingua Platonica aliorumque philosophorum ; à lingua Demosthenis , aliorumque Oratorum ; à lingua Thucydidis aliorumque historicorum non inficias ibo : nam mihi met ipse testis sum ; ac alii docti , ac eruditi viri facillè mecum consentiunt , me tres integros annos ludibundam operam ad hos auctores percipiendos impendisse .* Agmen claudat ipse du Cangius , qui quod de hodiernis scriptoribus , in quibus versatissimus erat , tulerit judicium his verbis abunde declarat . *Ex iis (inquit loco sæpe cit.) qui ornatiùs scribere volebant in barbariem incidere , intrusis multis novis , confectis , ac barbaris vocabulis ; cujusmodi sunt plerique Byzantine historiæ scriptores , quorum alii cultiores , àt* Theo-

Theophylactus Simocalla, Nicephorus Constant. Patriarcha, Constantinus Porphyrogenitus, Niceph. Bryennius, Gregoras, Nicetas &c. Aliorum verò aliquot longè pluribus exteris istis, & à vulgo mutuatis vocabulis scatent & faciuntur libri, ut Theophanis... Leonis grammatici, Leonis Diaconi, Simeonis Metaphraste, & similium; postremis potissimum sæculis, in quibus, quidquid hætenus supererat, Græcanicæ eruditionis evanuerat omnino &c.

19. Quæ hætenus de lingua græca quoad phrasin sensim corrupta attulimus, consonant mirificè cum iis, quæ eruditi nostri Patres Trevoltiani ea de re in Lexico suo universali pronunciant. (a) . . . *cette langue (sunt verba Lexici) s'est conservé plus longs tems, qu'autune autre malgré les revolutions . . . elle a été alteré peu à peu depuis que le Siege de l'Empire Romain eut été transféré à Constantinople, jusqu'au 15. Siècle. Ces changemens ne regardoient point d'abord . . . la construction, les inflexions des mots . . . mais dans la suite les incursions des barbares, & surtout les invasions de Turcs y ont causé des changemens plus considérables, hæc autem non de plebejo, & vulgari Græcorum sermone, sed de antiquo, & literali potissimum intelligi oportere planum fit vel ex ipso articuli ibidem relati titulo, qui est de lingua Græca, antiqua, literali. Sed pluribus his immorari non vacat: ad præcipuum controversiæ caput progrediamur.*

§. II. Offen-

(a) Voyez le grand Dictionnaire de Trevoux, lit. G. Grec ancien, literal.

§. II.

*Ostenditur defecisse pariter quoad
pronunciationem .*

20. **P**Ronunciationem hodiernam corruptam esse expeditiori via ostendi non posse existimo , quàm si demonstravero aliam planè esse illam ab ea , quam Plato , quam Demosthenes , quam Isocrates cæteri-
que Græcæ facundiæ & suaviloquentiæ principes quon-
dam usurparunt . Neque hoc à sano quoquam in dubium revocari posse arbitror . Restat itaque , ut ex Platone , Plutarcho , Aristotele Terentiano Mauro , aliisque ejus-
dem , vel supparis ætatis authoribus vobis comprobem quanta ab eorum loquendi ratione per vos discessio facta sit . Audiamus primum singulos ordine , tum quid inde contra vos confici possit , videamus . Plato itaque in Cratylo sic ait : οἶδα ὅτι οἱ παλαιοὶ οἱ ἡμέτεροι τῷ ἰῶτα , καὶ τῷ δέλτα ὅ μάλ᾽ ἐχρῶντο . καὶ εἴχ᾽ ἥμισυ αἱ γυναῖκες , αἵ περ μάλιστα τῶν ἀρχαίων φωνὴν σώζουσι . νῦν δὲ ἀντὶ μὲν τῷ ἰῶτα ἡ εἰ , ἢ ἦτα μεταστροφῆσιν , ἀντὶ δὲ δέλτα ζῆτα , ὡς δὲ μεγαλοπρεπέστερα ὄντα . ER. πῶς δὴ ; ΣΩ. οἷον οἱ μὲν ἀρχαιοτάτοι ἐμέραν τῶν ἡμέραν ἐκάλεον , οἱ δὲ ἐμέραν , οἱ δὲ νῦν ἡμέραν . ER. ἴσι ταῦτα . ΣΩ. οἶδα ἔν , ὅτι μόνον τὸ το δηλοῖ τὸ ἀρχαῖον ὄνομα , τὴν δὲ διδόναι τῷ θυμένῳ . ὅτι γὰρ ἀσμένους τοῖς ἀνθρώποις , εἰ ἐμέρῃσι ἐκ τῷ σκότους τὸ φῶς ἐγίγνεται , ταύτῳ ὠνόμασαν ἐμέραν . φαίνεται . ΣΩ. νῦν δὲ γε περαγομένην εἰδὲ ἂν κατανοήσας , ὅτι βύλεται ἡ ἡμέρα . *Nosti majores nostros literis his joia , & delta frequenter*
uli

uti solitos : mulieres verò maxime , quæ prisci sermonis sonum purius conservant . Nunc verò literas , & n ità defleunt , ut pro jota utantur epsilo , vel eta ; pro delta verò zeta , quasi magnificentius quiddam hoc pacto sonent vocabula . HERM. qua ratione ? SOCR. Vetustiores nempe dicebant ἱμῖαν , alii ἱμῖαν : nunc verò ἡμῖαν . HERM. ità sanè est . SOCR. Vides igitur antiquum hoc nomen saltem ostendere institutoris mentem , atque sententiam , quod nimirum summa hominum voluptate , illisque ἱμῖαν (id est desiderantibus) lux è tenebris extiterit , ideo ἱμῖαν vocarunt . HERM. videtur . SOCR. Nunc verò ἡμῖαν vocabulum tam audaci insolentique mutatione detortum est , ut quenam sit illius notatio , & quid sibi velit , minime possis perspicere . Hunc certè locum cur tot viri eruditi prætermiserint , non intelligo . Solus enim ille , si attentius consideretur , ad rem totam conficiendam sufficere videri poterat . Apertè enim ex verbis hætenus relatis colligitur , aliter longè sonuisse Platonis ævo jota , quàm eta , aliter item eta , quàm epsilon ; Sono nempe non perinde exili & tenui , sed graviori potiùs , ità ut magnificentius quoddam hoc pacto sonarent vocabula : ac proinde Atticorum pronuntiationem nequaquam jota , & eta inter se confudisse , ut hodie Græci faciunt . At , cùm infra ex locis adhuc aliis mox recitandis totum collecturi simus ratiocinium , argumentis his tantisper dissimulatis ad reliqua antiquiorum pergamus testimonia ,

21. Terentianus Maurus , antiquissimus , & Martiali ut perhibetur , cœvus Grammaticus , de sonis literarum hæc nos edocet :

*Litteram namque E videmus esse ad ἦτα proximam ,
Sicut o & ω videntur esse vicinæ sibi :*

Temporum momenta distant ; non soni nativitas .

22. Ælius Dionysius ait o summis labris pronun-
ciandum ; ω verò totum implere palatum ; eo fere mo-
do , ut explicat Caninius , quo Itali in Torre dum tur-
rim significat ; o breve sonant ; dum verò pro auferre ac-
cipitur , o producunt . Item in voce capello , dum ca-
pillum significat , e proferunt acutum ; dum contra si-
gnificare volunt pileum , e longum substituunt . Similia
occurrunt hodie in lingua Gallica , quæ tria e ; &
in Germanica , quæ vocales longas & breves accuratè in-
loquendo distinguit .

23. Plutarchus Symposiakon l. ix. quæst. 3. ait : τὰ
μὲν . . . φωνήεντα . . . πρῶτον τῶν ἀφώνων , καὶ ἡμιφώνων , ἐπὶ δὲ
τέτοις τῶν μὲν μακρῶν ὄντων , τῶν δὲ βραχέων , τῶν δὲ ἀμφοτέ-
ρων , καὶ διχρόνων ληγομένων ταῦτα ἐκόντως τῇ δυνάμει διαφέρειν .
*Vocales mutis , & semivocalibus anteire ; interque illas ,
cum aliæ longæ , aliæ breves , aliæ ancipites habeantur ,
illas haud dubiè potestate differre .*

24. Longas porro à brevibus quàm accuratè olim
distinguerint eruditi ; nos docet laudatus supra Tere-
ntianus Maurus , cum de i , & n , deque o & , ω hæc
tradit præcepta ,

*Igitur sonum reddere cum voles minori
Retrorsum adactam modicè teneto linguam ,
Rictu neque magno sat erit patere labra :
At longior alto tragicum sub oris antro
Molita rotundis acuit sonum labellis ,
Minor est i , o ; longior n , ω .*

25. Hastenus de vocalibus: nunc quomodo diphthongi pronunciatae fuerint eodem discamus Magistro.

Et sonos utrosque jungit, unde diphthongos eas Græci dicunt Magistri: quod duæ junctæ simul Syllabam sonent in unam; vique gemina prædita Semper effectum duorum temporum custodiunt.

26. Vos verò, qui nunc ι, & η contra, quam Terentianus præcipit, eodem prorsus modo pronunciatis, qui nullum inter ἰμέραν & ἡμέραν, ut Plato faciebat, discrimen agnoscitis, qui sonos τῷ ι, ε, & η non amplius discernitis, qui vocales natura longas & breves inter se & sono, & temporum momentis confunditis, diphthongos quæ ab utroque sono, Terentiano teste, à Græciæ Magistris ita dictæ fuere, vique gemina erant prædita unico tantum sono profertis, & in μινεφθόγγος, ut Platonis utar verbis, insalenti mutatione detorquetis; qui duplices sæpe ut simplices, & simplices contra ut duplices effertis, ταυτοφωνίαν, & μινεφθόγγον quæ, ut ait Plutarchus (a) *malesta & fastidiosa in omnibus est*, ubique invitâ etiam Minerva intruditis, per 7. pluriumque literarum similem sonum ita res omnes & voces inter se confunditis, ut idem sonet nobis, quod vobis, (ὑμῖν, ἡμῖν) *longum*, quod *breve* (μικρὸν, μικρὸν) *equis*, *ais*, *suber* (ἵπποις ἄπης, ὕπης) idem ἴσως & ἥως; ἰδος, & ἥδος, βίλος, & βήλος. βόλος, & βῶλος πόρος, & πῶρος, χολή, & χαλή, & innumera alia, quæ hic omnia persequi longum foret, Vos, inquam, qui tot, tantisque in rebus à veteri Græcorum loquendi norma disceditis, adhuc

(a) De puer. educat. μινεφθόγγον ἐν ἀπανσὶν ἐστὶ πλεῖστον, καὶ πρόσμυτος.

adhuc persuadebitis vobis, nihil in hac vestra pronuntiatione mutatum, nihil corruptum, nihil depravatum fuisse?

27. Accedit, quod Aristoteles in libris quos de *repreh. Sophist.* inscripsit, diligentissime recenset omnes, quæ vel scripto, vel voce admitti possunt æquivocationes: nusquam tamen vel verbulo innuerit quidquam de facillima illa per vocalium aut diphthongorum æqualem sonum in fraudem alios inducendi via: quod tamen certissime facturum fuisset si ea ætate *i, η, υ, οι, ει, υι, η*, eodem modo prolata fuissent: præsertim, cum in æquivocationum harum fontibus detegendis, ut observavi, his in libris adedò religiosus sit, ut nè minutias quidem prætermittat.

§. III.

Diluuntur argumenta contraria.

28. **I**Nter cætera, quæ ad vindicandam sibi antiquam illam *ὀρθότατον* Græci hodierni adferunt, validius nullum unquam aut legere, aut audire mihi contigit, quàm quod mihi non semel obmovit noster P. Thomas Velaſti; vir in Chio insula natus, atque educatus, totà Peloponneso, Archipelago, Sicilia, Apulia, aliisque Italiæ & Græciæ partibus peregrinatus, linguæ insuper, & morum, quos Græci habent, peritissimus. Is hunc sæpe in modum mecum disputavit: Unde demum, agebat, illa, quam multi nobis obijciunt pronuntiationis corruptela? Omnes certè, quotquot usquam terrarum Græci sunt, eodem prorsus modo pronun-

nunciant. (a) quamvis vulgaris sermo plurimum inter se discrepet? Nemini profectò Græcorum, pergebat ille, ante Erasmum in mentem venit de re tam explorata dubitare. Unde igitur ipsa in loquendo, cantando, pronunciando tam mirifica consonantia? Quod si verò totam Græciam de vitio postulas, quis fidem habebit, asserenti? quo enim pacto obsecro labes hæc & corruptela nationem integram pervasit? sensimne, ac pedetentim, an simul? Si simul, vide sis, aiebat, nè majus confusione Babylo-nica adstruas prodigium! si sensim? qua demum ratione effectum est, ut nemo huic se mori opponeret, nemo reclamaret? quin omnes ad eandem continuò loquendi normam ora componerent, voces in iisdem omnino syllabis & attollerent, & deprimerent? ità fere Velastius.

29. Fateor inesse suam huic argumento vim, & robur. Verùm lectorem monitum velim, duo hic diligenter à se disjungenda, atque segreganda esse. Primum, an hodierna pronuntiatio ab antiqua discesserit? alterum, quæ demum, si qua facta est, mutationis causa, occasio, aut epocha fuerit? primum, nisi fallor, ad oculum supra demonstratum est (b). Alterum verò ostendere nec instituti mei est, nec, quantum ego quidem opinor, in ullius hominis ut ut eruditissimi potestate positum. Ostende enim mihi, si potes, mi Velasti, quando, quave occasione factum fuerit, ut quæ quondam in latina, Gallica, Germanicæque lingua scriben-

(a) Excipe Siculos, & alios quosdam, qui in quibusdam literis Velastio faciente differunt.

(b) §. toto præcedente. Ex Platone, Aristol. Plutar. Terentiano &c.

bendi, & pronunciandi ratio fuerat, in præsentem commutata fuerit? Erat, cum scriberetur, & diceretur: *volter, vorto, carnusæ, æstumo, Divom, Avom, taboleis, publice, hau,* & innumera vejuscomodi; Erat cum & græci notis illis interscouterentur dialectis, cum sine spiritu, sine accentu, atque alio prorsus modo scriberent, quam hodie scribimus, quam loquimur, ut supra ostendimus. Unde igitur (eodem ego jure te interrogo) unde demum tanta in loquendo, pronunciando, scribendoque exitit mutatio? quæ causa? quis author? num defuere, qui resisterent, qui reclamarent? unde amabo ista in omnibus hodie gentibus (4) v&P5 literas si exceperis) quum latine loquuntur, aut scribunt consensio? ipsa inquit rerum inconstantia, & vicissitudo horum causa est; ipse sensim invalescens usus, penes quem, ut ait Hor. arbitrium est, & jus, & norma loquendi. Idem igitur & in re præsentî responsum cape! *Corruptio enim hæc, ut rectè ait Waltonus (a) accidit ex rerum omnium vicissitudine, quam tempus edax rerum in linguis efficit. Hujusmodi enim mutationes, ait Jo: Clericus (b), non accidunt, nisi sensim sine sensu, atque ipso populi usu; cujus neque initium, neque progressum possumus ostendere.* 30. At consentiant omnino, neque maxima tantum in parte, de latini; sed quoad omnes inter se apices hodierni Græci, homines quidem ut constat, adeo rituum suorum tenaces? adeo in retinendo antiquo Sacer-

dotum

(a) In Polyglott. c. 2. proly. §. 6.

(b) Le Clerc. dans sa biblioth. Tom. VII, p. 299. Ces sortes de changements ne se font, qu'insensiblement, & par l'usage du peuple; dont on ne peut marquer ni le commencement, ni le progrès.

dotum habitu, in ædificandis ad eandem normam templis, in respuendo Calendario Gregoriano, aliisque plurimis superstitioni, atque pertinaces? Verum, ut græco tecum utar proverbio, quid hæc ad farinam? Nunquid & hebræi rituum, & antiqui moris erant tenacissimi? & tamen Babylone omnem linguæ suæ vernaculæ amiserunt notitiam, & usum? nonne & Romani eodem linguæ suæ perficiendæ, suæque in puritate conservandæ flagrabant studio, & tamen communi huic fato se nequiverunt subducere? Protulit aliquando Cæsar, ni fallor, Imperator vocem minùs latinam, petiitque continuò ut ea, nè erroris ipse insinulari posset, Civitate donaretur: at responsum fuit, Civitate se donare posse gentes exterar; non voces (a). Negabatur sub initium multis in latio populis facultas latino utendi sermone, nè scilicet dum tot per ora flueret, labis aliquid, aut navi traheret (b). Noluit Cato, & ipseus deinceps exemplo alii, apud Græcos alio uti sermone, quàm latino, ut vel indè apparet, quanto suam haberent in pretio. reprehendit Cicero in libris de Offic. eos, qui nulla necessitate latino sermoni græca quandoque inferebant. Imperator quidam Romanus (nomen mihi excidit) cùm aliquando vocem græcam prolaturus erat in Senatu, veniam præfatus est &c. Et tamen tanta cura, tantum primævi splendoris conservandi studium efficere non potuit, ut (ante incursionem etiam barbarorum) in pejus vergere lingua cœperit. Vide igitur sis mi Velasti, quàm cario-

(a) Voyez l'histoire Romaine du P. Cæsar.

(b) Voyez le même.

cariofo fundamento nitaris, dum Græcorum tenacitate causam tuam sustinendam putas.

31. Leviora sunt, quæ in Collegio Græco mihi obmota fuere: nimirum, nunquam defuisse homines eruditos in Græcia; nusquam extare immutationis hujus apud ipsos suspicionem, vel indicium; floruisse aliquas semper scholas in Oriente; primum hujus sententiæ authorem fuisse Erasmus, eique turpiter fuisse impositum, & similia. Hæc enim, ita breviter expedio: 1. eruditos semper aliquos extitisse non inficior; liquet id Fabricii bibliothecam vel obiter intuenti. 2. Mutationis hujus nullam quidem in Græcorum scriptis mentionem fieri, fateor: at non miror; cum ob rationes num. 29. allatas, tum quia plurima Athenis, Constantinopoli, & in Ægypto vel conflagrarunt, vel barbaris in prædam cesserunt. Recolenda hic etiam, quæ supra num. 9. & 10. ex du Cangio, & Crutii Turco-græcia recitavimus. Scholas porro in Oriente nunquam omnes saltem usque ad Sæculum VI. conticuisse, jamtum num. 10. ostendimus; monentes simul, eas fuisse Sæculo VII. paucissimas; totâ græcæ linguæ scientiâ ut vidimus ex Fleury, apud solos Melchitas uterunque conservatâ; ex quorum deinde scholis, cum tempore Photii reviviscebant studia, modum hodiernum pronunciandi ad reliquas sensim græcorum scholas dimanasse, si quis contendere voluerit, non repugno. Verùm cum tot ex signis, tamque perspicuis Authorum testimoniis corruptionem pronuntiationis demonstraverimus, his demum conjecturis immorari necessum non est. Quidam denique de Erasmo quidam narrant historiam, quàm vera sit, non disputo. Hoc ajo, resuscitasse potius ipsum hanc sententiam, quàm

quàm excitasse . Siquidem multis ante ipsum Sæculis voces has *h̄ra* , *θ̄ra* , *ζ̄ra* non secus à latinis ; quàm *eta* , *theta* , *zeta* pronunciatas fuisse , cùm ex alphabeto quod ex MS. XII. incuntis Sæculi adfert Mekerkius , tùm ex pluribus locis quos infrà ex Ausonio , Martiali , Juvenali , aliisque adducam , clarius est , quàm ut negari possit .



PARS SECUNDA

In quibus denu[m] vocalibus, consonantibus,
& diphthongis à veterum pronun-
ciatione discessio facta fuerit.

C A P U T I.

De B consonante.

32.



Rima itaque, quæ in controversiam adducitur, est Beta consonans, quæ quidem vulgò ità profertur, ut non tam B, quàm V latinum sono referat. *Verùm ineptè*, inquit Henr. Stephanus; *¶ contra usum venerandæ antiquitatis . . . sonanda est, ut prior syllaba gallica dictio- nis, bête, quæ bestiam significat.* Probat id ex figura quàm cum latino B communem habet; item ex sono hebræi Beth, id quod etiam facit *Euseb. præpar. Evang. l. 10. cap. 5.* Verùm ejusmodi conjecturas non moror.

33. Præplacet mihi, omniumque instar rationum est locus ille Platonis in Thæteteto, in quem nuper inero quasi casu incidi. τότε σίγμα, ait Plato, τῶν ἀφώνων ἐστὶ ψόφος τις μόνον, οἷον συριγίας τῆς γλώττης. τὴ δ' αὖ βῆτα ἔτε φωνή, ἔτε ψόφος. *Sigma*, inquit, *est mutarum tantum literarum strepitus quidam, tanquam sibilante lingua: literæ beta autem nec vox, nec strepitus quidem ullus subest.* Ex quo loco manifestum est, opinor, Beta rectius ab illis enunciari, qui ore illud clauso, mol-

D

liter-

literque omnino ut latinum b proferunt, quàm qui illud ad V consonantis sonum detorquendo, nescio quem ei strepitum, aut vocem affingunt.

34. Confirmat utrumque mirificè Aufonius græcis, latinisque literis eruditissimus, dum ait:

Dividuum Beta monosyllabum Italicum B.

item. *V. fere sonans Cecropiis ignota notis.*

35. Mekerkius vidisse se ait Psalterium latinis exaratum literis anno Christi 1105. in quo occurrebant identidem hæ voces: *basileus, uranu, autu, Ecclesia, &c.* nusquam verò *fasileus, astu, Ecclesia* &c. ad calcem ejusdem MS. adscriptum erat alphabetum græcum, literarum potestates hoc modo enuncians, *beta, eta, theta, zeta &c.*

36. Et verò si B pronuntiandum fuisset, ut V sonans, lingua græca destituta fuisset secundâ literâ alphabeti Phœnicum, ex quo ipsa tota nata, atque efformata fuit; quod prorsus est incredibile, ut ait Clericus. Huc pertinet quoque argumentum, quod quidam ex ipsa *alphabeti* etymologia, & ovis balatu ducunt; verum cum certiora ad manum sint, ista in præsens omittamus.

37. Plus roboris habere videtur illud, quod ex voce *bini*, aut potius *binei* (ut tum temporis scribebatur): à Pæto cum obscœna græcorum voce *βιν* confusa eruditi colligunt (a). Nam si *βιν* pronunciabatur *vini* vel *fini*, ut volunt Græci, quæ in verbo græco *vini*, & latino *binei* soni poterat esse cognatio? quæ demum obscœnitas? Scripsisse autem eâ atate Romanos & pronun-

cialse

(a) Ex epist. Cicer. ad Papir. Patum quæ incipit: *Ano pererundiam.*

ciasse *binei* pro *bini*, ex duobus præsertim locis manifestum est. Primus est A. Gellii (a) dicentis: *si hujus amici, vel hujus magni scribas, unum i facito: si verò hi magnei, hi amicei, casu multitudinis, tum E ante I scribendum erit* (b), alter locus est Vossii (c), ubi *latinis*, inquit, *i longum sonabat ut EI adeo, ut nihil referret, hic scriberent, an heic*.

38. Cæterum mihi, quidquid sit de aliis, sufficere videntur, quæ superius ex Platone, & Ausonio recitavimus; quibus verbis aliquod adhuc pondus addere videtur Plutarchus (d), dum apertè docet B ad sonum τῆ π ferme accessisse. βύσιος mensis, ut plerique putant Φύσιος est à nascendo sic dictus... sed ità res se non habet. Non enim Φ littera pro β utuntur Delpbi, sed loco litteræ π: solent enim πατῆν, ὅ βαδῆν; πικρὸν, ὅ βικρὸν æqualiter pronunciare. Est ergo βύσιος dictum pro πύσιος, (e) quod eo tempore Deum sciscitabantur. Quem locum miror à nemine, quod quidem sciam, hætenus fuisse adductum.

39. Omitto hîc alia plura à Clerico, Vossio, Stephanò, aliisque toties allata, & in vulgus nota. Hoc tantum obiter observo, quod si græci habuissent consonantem latino V accuratè respondentem, opus non

D 2

fuisse

(a) L. 13. noct. Attic. c. 25.

(b) Verba Ciceronis hæc sunt: Cum loquimur terni, nihil flagitii dicimus: at cum bini, obscenum est. Gracis quidem, inquit: nihil est erga in verbo; quando ὅ ego græcè scio: ὅ tamen tibi dico bini: idque tu facis, quasi ego græcè, non latine dixerim.

(c) In Aristar. l. 1. c. 13.

(d) Plut. in quæst. græcis, ubi in Byssii mensis etymologiam inquirat.

(e) A verbo πικρὰρμα.

fuiſſet ; eorum V jam per *v*, jam per *β*, jam per *υ* diphthongum exprimere , utpote per literas quæ aliquid cum hoc ſono affinitatis habebant .

C A P U T I I.

De Vocalium ſono .

40. **D**E vocalibus , quæ in controverſiam veniunt, hîc diſputaturis prima inter alias ſeſe offert ea , quam *ῥ* appellamus . Lis acris græcos, inter , & Eraſmi Sēctatores fuit , fueritne ut *i* , an verò ut *e* longum à majoribus prolata ? Ego omnino Eraſmo aſſentiendum exiſtimo ; & quoniam argumenta , quæ pro ejus ſententia adferri poſſunt , multum quoque lucis allatura ſunt iis , quæ de reliquis poſtea literis curſim dicemus , veniam dabit amicus lēctor , ſi hoc in capite prolixiores paulò , quàm res poſtulare videbatur , viſi fuerimus . tentemus aleam .

§. I.

*Eta ut e longum pronunciari oportere offenditur
ex ipſa alphabeti , linguæque
græcæ natura .*

41. **L**inguæ Græcæ naturam ſi accuratiùs nonnihil indagare volumus , quantum mea quidem fert opinio , quatuor potiſſimùm nobis conſideranda ſunt . Ac primum quidem ipſa alphabeti ſeries , ſeu literarum ſingularum nomina : deinde vocalium brevium , longarum-

garumque quantitas ; tertio earundem contractio , & dissolutio . Quarto denique nominum , verborumque varia inflexio ; percurramus ordine singula .

Atque , ut initio statim pateat , quid ex literarum nominibus exsculpere cogitemus , sat erit , si in breve , quod jamjam subiciemus schema lector oculos conjecerit .

Schema parallelum vocalium longarum , brevium , & ancipitum .

1.

2.

.....) α, ἄλφα α) (α anceps
e tenue : ψιλόν) ἦτα	semper breve : (η semper long.
i tenue υ ψιλόν) ἰώτα	anceps : (ι anceps
o parvū ο μικρόν) ωμέγα .	semper breve . ο (ω semper long.

42. Hebræos imitati videntur Græci , quum literis suis peculiariter imposuerunt nomina ; quorum alia quidem pro mero arbitrio adinventæ , alia verò ex ipsa characterum natura repetita fuerunt . Ex posteriore hac classe sunt vocales illæ , quas hic sub conspectum damus . Quorsum enim ο unum appellatur *parvum* ? profectò non alia de causa , quàm quia eidem magnum aliud respondet ob sonum nempe in uno magis , minùs in alio productum ? Cur i unum vocatur *tenue* ? sanè , nonnisi quia ei respondet i aliud , quod non aequè exili , sed aperto magis clariorique sono profertur . Idem de e tenui , & eta esto judicium : Neque hæc fingi quisquam existimet : exempla enim hujus rei in omnibus pene linguis occurrunt ; quære enim ex Gallo , quam ob causam e nullo accentu notatum *obscurum* appellent grammatici ? respondebit illico , quia duo alia e habemus , quorum unum prorsus acuto , aliud aperto planè ore enun-

enunciatur; idem ab Italo, idem à germano responsum feres. Habet enim, uti supra me dicere memini, utraque hæc lingua vocales alias, quas clausas, alias, quas apertas vocat. Dicendum itaque hoc loco aliud adversariis non restat, quàm quod nullam rationem habuerint antiquiores græci literas quasdam *exiles*, vel *minores* vocandi, quod quâ ratione asseverari possit, græci hodierni viderint. Pergamus ad quantitatem.

43. Eta & Omega ante simonidem in usu apud græcos non fuisse fatentur omnes: erant enim, ut in prolegomenis narravimus α, ε, ι, ο, υ, illâ tempestate omnes ancipites, usque dum adlecto inter vocales eta, & omega, distinguendæ quantitatis ergò orthographia eatenus immutari cœpit, ut syllabæ, quæ ο & ε longum sonabant, deinceps per omega, & eta scriberentur; alpha interim, jota, & ypsilo; quoniam nova iis substitutæ nunquam fuerant literæ, jam longarum jam brevium vices subeuntibus. Certum pariter, omega & eta semper longas fuisse naturâ; quid igitur pronum magis, quàm quod (uti fatentur de ο & ω) ita & alia vocalis natura brevis esse debuerit, quæ longæ semper vocali responderet? hæc autem jota esse non poterat, utpote jam breve, jam longum: relinquitur itaque, non fuisse aliam, quàm ε, seu e exile. Quæ sententia quàm aptè cum schemate secundo supra posito coincidat, quis non videt? Omitto quod ex contrario systemate, ut etiam advertit Gretserus, sequeretur, nullum apud græcos fuisse e longum; quod non modò est incredibile de lingua aded sonorâ, suavi, & variâ; verùm & apertè falsum esse vel ex eo ostenditur, quòd poetæ dum syllabâ indigebant longâ, epsilon perinde in eta, atque omicron in ome-

omega converterint . Huc refer familiarem iisdem syna-
lophen , dum nimirum duo ω in unum η coalescunt .
Hujusmodi sunt $\delta\eta\omega\mu\alpha$ pro $\delta\omega\omega\mu\alpha$. item $\delta\eta\lambda\epsilon\gamma\omega\gamma$ pro
 $\delta\omega\omega\lambda\epsilon\gamma\omega\gamma$. &c .

44. Progrediamur modò ad contractionem , & reso-
lutionem vocalium .

<i>Resolutio .</i>	<i>Contractio .</i>	<i>Resolutio .</i>	<i>Contractio .</i>
$\epsilon\eta$	$\tilde{\eta}$	$\iota\iota$	$\tilde{\iota}$
$\epsilon\epsilon$	$\tilde{\epsilon}$	$\iota\alpha$	$\tilde{\iota}$
$\epsilon\alpha$	$\tilde{\eta}$	$\iota\epsilon$	$\tilde{\iota}$

45. Tiresiâ sanè cœcior sit necesse est , qui non vi-
deat , hîc semper e in eta , & i semper in jota longum
contrahi . Eadem apparet analogia & affinitas inter eas-
dem vocales , dum verborum & nominum inflexio deri-
vatioque attenditur .

Schema Nominum .

Nom. Gen.	Masc. Neut.
$\omega\mu\alpha$, $\omega\mu\omicron\varsigma$.	$\omega\mu\iota$, $\omega\mu\epsilon$.
$\omega\gamma$, $\omega\gamma\omicron\varsigma$.	$\omega\gamma\iota$, $\omega\gamma\epsilon$.
$\eta\gamma$, $\eta\gamma\omicron\varsigma$.	$\eta\gamma\iota$, $\eta\gamma\epsilon$.
$\eta\epsilon$, $\eta\epsilon\omicron\varsigma$.	$\eta\epsilon\iota$, $\eta\epsilon\epsilon$.
$\iota\gamma$, $\iota\gamma\omicron\varsigma$.	$\iota\gamma\iota$, $\iota\gamma\epsilon$.

Schema Verborum .

Præs. Futur. Præter.
$\omega\mu\alpha$, $\omega\mu\omicron\omega$, $\omega\mu\alpha$.
$\omega\gamma$, $\omega\gamma\omicron\omega$, $\omega\gamma\alpha$.
$\eta\gamma$, $\eta\gamma\omicron\omega$, $\eta\gamma\alpha$.
$\eta\epsilon$, $\eta\epsilon\omicron\omega$, $\eta\epsilon\alpha$.
$\iota\gamma$, $\iota\gamma\omicron\omega$, $\iota\gamma\alpha$.

46. Eandem literarum inter se commutationem ob-
servare est in augmentis temporalibus verborum , ubi
perpetuò in η , & ϵ in ω mutatur , nimirum , quia uti ω duo-
bus ϵ , ita & η duobus ϵ æquivalet . Jota contra , & υ non
mutantur , quia non habent naturâ longam , quæ iis re-
spondeat . α verò cur in η mutetur , facillè intelligitur ;
Est

Est enim inter a & e apertum magna soni cognatio; atque hæc ipsa, teste Rob. Stephano, in causa est, cur a Jones in n, & Dores contra n in a mutarint; Denique quanta semper inter e, & n fuerit soni similitudo, ex Verbis in μ non obscurè colligitur, videas enim ibi e, & n, o, & ω perpetuà ferè vicissitudinæ sibi mutuò surrogari.

§. II.

*Ostenditur idem ex testimoniis latinorum
& græcorum per sæculorum
ordinem.*

47. **I** Nitium faciamus à latinis. Terentius Varro *l. 2. de re rust. c. 1.* ovem à græcis $\mu\eta\lambda\omicron\nu$ vocatam ait, ob sonum balatui similem, indeque ductam fuisse latinam vocem, *belare*, e postmodum in a commutato. *belare* tamen cur potius dixerint latini quam *melare*, hanc subjicit rationem: *non enim mæe, sed bæe sonare videntur oves vocem efferentes; à quo belare dicunt, extrita litera, ut in multis.* Melon igitur legebat Varro cum græcis, non *milon*, ut vult R. P. Placentinius. Varroni surrogandus esset Cicero, in *epist. ad Patum*: verum de hoc infra opportunius.

48. Post Christum natum, primo sæculo nobiscum faciunt, & legunt omnes.

Juven. sat. 14. v. 200. *Hoc discunt omnes ante alpha, & beta puella.*

Persius sat. 4. v. 13. *Et potis est vitio nigrum præfigere theta.*

Mar-

Martialis lib. 5. epigr. 26., & lib. 7. epigram. 37.

Dicas licebit Beta me togatorum.

Est operæ pretium discere theta novum.

Clarius loquitur Terentianus Maurus, quem sub Trajano vixisse perhibent.

Literam namque E, inquit, videmus esse ad hanc proximam.

Sicut ε, Θ & videntur esse vicinæ sibi.

Temporum momenta distant; non soni nativitas.

49. Aufonius de literis monos. Sæc. IV. ita scribit:

B. dividuum Beta monosyllabon Italicum B.

Z. Zeta jacens si surgat, erit nota, quæ legit N.

H hanc quod Æolidum, quodque e valet, hoc latiale E.

S. August. eodem Sæculo lib. 2. de doctr. Christi cap. 24. Beta, ait. uno, eodemque sono apud græcos literæ, apud latinos oleris nomen est. & in Joann. tract. 10. ubi autem in numeris scribunt Beta B, quod est b ipsorum, vocatur in numero duo. Omitto Hieronymum, qui voces plurimas hebraicas, quæ à græcis per n scribuntur, latinè per e longum reddendas ait: cujusmodi sunt *Elias. Esaias* &c.

50. P. Montfaucon in *palæogr.* adfert MS. Sæculi VII., in quo alphabetum græcum latinè scribitur hunc in modum: *beta, theta* &c. non *vita, thita*. Consonat cum eo illud Sæculi XII., quod infra, cùm de beta agemus, ex Mekerkio adferemus. Veniamus nunc ad recentiores Grammaticos & antiquarios.

51. Martianus Capella grammaticus (quem laudat *Gesner. in bibl.*) ait: E vocalis duarum græcarum vim possidet: nam cùm corripitur ε *ἔ* græcum est, cùm producit, eta est. Diomedes l. 2. e pro ε, Θ n græcis, Θ o

E

pro

pro ω ponitur. Gisbert. Cuper. in apoth. Hom. *Vita*, *zita*, inquit, *thita*, *ita* &c. . . . hanc elocutionem antiquis nō cognitam quidem fuisse sat multis docuerunt viri eruditi. Salmas. in thes. Poleni tom. 2. pag. 49. *nunquam*, ait, *E pro jota apud veteres græcos positum est, sed pro ητα, hoc est E longo*. Omitto Vossium, Erasmus, Checum, Mekerkium, aliosque, qui cū in Angliā, tū in germaniā nostram hanc sententiam pro aris quasi & focis propugnarunt.

52. Reliquum est, ut etiam aliquos ē græcis audiamus. Plato certē nobiscum facit in Cratylo, uri liquet ex loco num. 20. relato. Accedit, quod in eodem libro, ut non semel adverti, semper ferē η ab ε derivet. Sic ηρας deducit ab ερας; ηρα ab ερατη; αθηνα α θεων; σελήνη à σέλας, γίον, & έννον; κίνσις ab ίσις &c. rationem dat: *quia quondam non utebamur η sed ε*. Aristot. poet. c. 21. ait vocalem produci posse vel positione, vel mutatione brevis in longam sibi respondentem: in exemplum adfert: πολίως, & πολλως.

53. Eustatius denique celebris ille Homeri commentator sæculo XII., in Hom. B., adfert tritum illum versum Cratini.

ὁ δ' ἡλίθιος, ὥσπερ πρόβατον βῆ βῆ λέγων βαδίζει.
Is autem fatuus, tanquam ovis, bee bee sonans incedit.

vocatque sonum hunc βῆ βῆ μιμήτικον τῆς τῶν προβάτων φωνῆς h. e. *qui vocem ovīs imitatur*. Quis autem neger oves ee ee potiùs, quàm i, i, vel vi, vi sonare, nisi forte aliter balaverint Athenis, quàm Romæ apud Varro- nem. Argumento huic à nemine hætenus solidè re- sponsum est, ait Jo: Clericus.

§. III.

*Demonstratur idem ex constanti Vocalis unius
in aliam commutatione .*

54. **D**E Permutatione hâc dubitare nemo potest , qui primæ & secundæ græcorum declinationis paradigmata , qui verbalia in *ema* , *esis* , *eton* ; masculina in *es* , & *er* feminina in *e* , neutra in *es* , vocesque artium , scientiarumque prope infinitas vel obiter percurrerit . Quare in re adeo exploratâ immorari diutius non vacat : hoc tantum observo , non cautè satis argumentum istud à quibusdam pertractatum fuisse . Quamobrem , nè quis detur cavillo locus , duas potissimum leges in argumentis ejusmodi etymologicis observandas esse contendo . Prima est : *ut voces , quæ alia ex lingua desumuntur , relinquuntur integræ ; neque diversa inflexione ad linguæ alterius genium accommodentur .* Altera , *ut literarum hæc commutatio constans sit , neque paucis duntaxat , sed in omnibus pene vocibus reperiatur , una alterave fortassis excepta , quam usus & consuetudo alio quasi vultu finxit .* Adde , si vis , tertiam ; *ut natio , quæ peregrinas hujusmodi voces adscivit , sonum earum nativum calleat .* Tria autem hæc quàm aptè in „ à latinis per e redditum quadrent , facillè ostenditur . Millena sanè , & millena proferre hîc possem exempla , si ad manum foret liber quidam impressus Moguntiæ , cui titulus : *Scientia latinitatis Auth. P. Hertling* ; dum contra adversarii è millenis vix unam inventuri vocem sint , quæ à regulâ communi recesserit . Exempli interim loco sint , quæ modò scriben-

do festinanti occurrunt, puta: *exegesis*, *matheſis*, *phre-
neſis*, *exhomologeſis*, *catachreſis*, *ſchema*, *tragema*, *me-
letema*, *emblema*, *hypomnema*, *gloſſema*, *catagorema*,
ſtrategema, *mnemoſynon*, *blaſphemia*, *academia*, *alle-
goria*, *epilepſia*, *prolepſis*, *antilepſis*, *ſyllepſis*, *hyper-
bole*, *hypallage*, *cataſtrophe*, *Penelope*, *aganippe*, *am-
phrite*, *Arachne*, *Circe*, *Callirrhoe*, *Daphne*, *Euphroſy-
ne*, *Euridice*; *Chryſes*, *Anchiſes*, *Dynaſtes*, *cometes*, *pla-
netes*, *myſtes*, *crater*, *character*, *glyſter*, *pater*, &c.
&c. &c., hunc autem græcas vocales legendi, ſcriben-
dique modum doctiſſimus P. Montfaucon vocat *uſum per-
petuum veterum latinorum* Palæogr. tom. 2. pag. 138. Con-
ferat modò cum hiſ, qui volet ridiculas derivationes
P. Placentinii, quas in contrarium adfert; puta dum
vocem *rima* à ῥίγμα, *veſtis* ab ἰδής, *nimum* à νη & μιον,
domitus à δμντός, *genitus*, item, *genitor*, non ab inuſi-
tato *geneo*, ut debebat, ſed à græco verbo γιγνομαι pro-
feſta eſſe contendit; eodem è cenſu eſt vox *dapſilis*,
quam nemo ignorat à *daps*, *dapis* deductam, ipſe tamen
græco quoque è fonte derivat. Omitto hîc voces He-
breas, Siriacas, quas refert, cùm, quodd de ſono illarum
vocalium diſputent eruditi, tùm quodd, quæ ipſe hîc
per *i*, eadem per *e* efferenda aſſerat Hieronymus. Omit-
to voces per vim tortas, quæ incremento, quantitate,
& inflexione à græco multum diſſident, ac proinde unâ
litera ipſi, aliâ nobis favent; ut ſunt: *Cephiſia*, κηφιſια;
Cenſitori κηφιſτορι, aliaque id genus. Omitto denique fal-
ſò relatas, uti βῆρος birrus, & ἀλγυδὼν algidum &c. Si
Suidam conſuluſſet, inveniſſet βίρε'ος, non βῆρος. Si
Dion. Halicarnaſſeum, inveniſſet lib. X. ἀλγυδόνια lib. XI.
ἀλγυδόνι, & ἀλγυδῶ. De vocibus *ſmigma*, *orchitra*, *pa-
racli-*

raclitus, *epichirima* dicere nil attinet: constat enim ea per *e* potius, quam *i* pronunciari ab eruditis. Reliqua ejusdem sunt furfuris, & planum faciunt, quàm proclive sit viris etiam doctis in palmares sæpe errores incidere, dum nimio partium abripiuntur studio. Sola itaque ex 34: vocibus examinanda restat, Ecclesiastica illa vox *Kyrie eleison*, aut *eleyson*, ut scribunt alii. Verùm una hæc hirundo ver non faciet, opinor. Maximè cum & hanc vocem corruptam esse probabile sit: ignorare enim Author non debuerat scriptam quondam fuisse per duo *ee*, ut constat tum ex vitâ S. Geltrudis, quam ipsa sibi concinnavit, tum maximè ex *Innoc. III. lib. 2. de myst. Miss.*, ubi quinque in locis scribitur non *eleison* sed *eleeson*, eo ferè modo, quo vox *ἐλεημοσύνη* *elemosyna* ab eadem radice profecta, per duo semper *e* scripta fuit, & scribi pergit: sed de his plus satis.

§. IV.

De sono τὴ Y.

55. **Y** Apud Græcos sonum non perinde acutum, sed dilutum magis, quàm *i* latinorum habuisse vel ipsa nominis etymologia indicat. Quare passim creditur τὸν non figurâ tantum, sed & sono respondisse V consonanti latinorum, quam eo ferè modo à latinis, quo modo *u* vocalis à Gallis, prolatam fuisse plures cum Lipsio contendunt. Probant id post ipsum plures autoritate Velii longi, Scauri, Donati, Cassiodori, & aliorum. Item ex pluribus vocibus, quæ græco, apud latinos per *u* respondent: cujusmodi sunt apud Tacitum *Sibul-*
la,

la, Sulla, Burrha, & similes. Verùm his tantisper omiſſis audiamus clariſſima Grammaticorum hanc in rem teſtimonia.

56. *Tertiam*, inquit Terent. Maur., *Romana lingua* (quam vocant *υ*) non habet.

Hujus in locum videtur u latina ſubdita,

Quæ vicem nobis rependit interim vacantiſ y.

Quando communem latino reddit, & græco ſonum.

57. Lipſ. de pron. l. lat. ait. *Y græcum reſpondet v tenui latino*. Scaliger, quem hæc in controverſiâ tam libenter nominant græci, eſſi in aliis quibuſdam rebus contrariuſ, hæc tamen in re conſentit. *Puto*, inquit, *ſuiſſe F validiſſimum, adſtricto ſuperioribus dentibus labio inferiore. Mox ſequi o dilutiore vi; tertio loco molliſſimum V; quomodo nunc dicimus, aut non multò attentiuſ. l. i. de cauſ. l. lat. c. 10. Plura qui volet, adeat Priſcianum, Iſid., Gretſ. & Voſſ. de arte Grammat.*

CAPUT III.

De Diphthongis.

58. **D**iphthongos duplicem apud veteres habuiſſe ſonum vel ipſum ſatis nomen indicat, & plurium hodie linguarum uſuſ confirmat. Verùm ut monophthongos eaſ hodie græci pronunciant: reſtène an ſecuſ, videamus.

Plut. Sympoſ. l. ix p. 3. de α. Sic ait: *Alpha neque poſt jota, neque poſt y collocatum in unam cum iis coire vult ſyllabam; ſed veluti indignuſ reſilit, ſuumque quærit primordiuſ. Iſtorum utri alpha præpoſueriſ,*

CON-

CONSONABUNT; unàmque suo obsequio facient syllabam, ut in *Auster*, *aura*, *Maja*, *Ajax*, ac innumeris aliis. Locus hic certè mihi videtur ἀνατιλόγητος, quì enim consonare duo poterunt, nisi utrumque sonet? Neque ad rem facit, quod ex utroque medius forte quidam confletur sonus, qui nec ad *a*, nec ad *i* totus referri possit, ut ingeniosè explicat R. P. Placentinius: id enim esset mutare sonum, & perdere; non consonare, & συμφωνῆν. Adde quod exempla latina à Plut. relata omne tollant dubium. His adjunge Terentianum, cujus verba clarissima supra retulimus num. 25. ubi diphthongos ait, *vi gemina præditas; syllabam sonare in unam, & duorum temporum effectum custodire.*

59. Quintil. ut refert Chæcus, docet vocales ità inter se coire, ut consonent, alteramque frangat altera. Si autem in sonando nihil altera vocalis adjuvat, non modò frangitur sonus, sed consumitur, inquit Chæcus. Demum Stephanus Vintonienſis etſi à Chæci ſententiâ alieniſſimus, in ſuâ tamen ad ipſum epiſtolâ, hac in re eidem conſentit. „ Sanè quidem, ſunt ejus verba, in „ *v*, in *n*, in ipſis denique diphthongis alium fuiſſe ſonum primorum literarum parentum, alium hodie noſtrum ipſa ratio indicat, & ſummorum virorum authoritas clariſſimè confirmat.

60. Quis porro ſingularum diphthongorum ſonus fuerit, non adedò promptum eſt ſtatuerè. Av ſonuiſſe ut *aura*, & *Auſter* latinorum, nos paulò ante Plato docuit. Idem novo exemplo confirmat Terentianus cum ait:

Auſpice quum dico, & aurum, ſive græcis ἀύριον.
 Quis autem latinorum unquam dixit *Auſter*, *aſtrum*,
aſtra,

afra, *affpice* &c. ? Accedit, quod si *av* ut *af* vel *av* sonandum esset, hæc diphthongus ex unâ vocali & consonante coalesceret: quod certè contra diphthongorum naturam fieret; Siquidem diphthongus, ut notum est, duarum vocalium, non consonantis cum vocali, est copulatio.

61. *A*, pariter sonuisse ut *Ajax*, *Maja* ex eodem constat Plutarcho. Itaque *a* & *i* audiendum est, ut Germani faciunt in voce: *Kaiser*, *Cæsar*

E, pari ratione proferendum erit, ut *hei! quis*, *captivi* apud latinos.

*E*u, ut *Eurus*, *Euge*, *Pentateuchus*, &c. non ineptè infertur ex constanti derivatione latinorum, ac litterarum inter se permutatione. Etsi in voce *Evangelium* propter concursum trium vocalium aliud postularit *Εὐαγγέλιον*.

O, ità quoque prolatum fuisse ut & *o* & *i* exaudiretur, ex dictis facilè consequitur: etsi mihi credibile satùs videatur, in quibusdam diphthongis, ut etiam hodie fit, plus quandoque unam vocalem auditam fuisse, quàm aliam; atque hinc facilè contigisse, ut Atheniensium alii *λοιμὸς*, alii *λιμὸς* ab Oraculo prolatum fuisse crediderint (*a*). Id enim nisi quis dixerit, certum est celebrem illum Xenophontis locum in utramque partem trahi, & explicari posse.



CA-

(a) Vid. Xenophontem de bello Pelop.

CAPUT IV.

*Respondetur argumentis R. P. Gregorii
Placentinii .*

62. **A**rgumenta, quæ author hic doctissimus adfert ad tres ferme classes reduci possunt. Prima eorum est, quæ à quibusdam nummorum, marmorumque inscriptionibus, vel ab unâ alterave, quæ in MS.^o quodam occurrit, voce petuntur. In alteram referri possunt, quæ à derivatione, & analogiâ; atque in tertiam demum quæ ab autoritate duci solent. Ad quorum omnium vim in ipso statim limine infringendam dicere sufficeret, quod juxta constitutum superiùs *πρὸς μὲν* nobis de eâ tantùm ætate sermo sit, quæ ad aureum Platonis, Demosthenisque sæculum propiùs accedebat: loca autem ab Authore hoc adducta plurimis sæculis ætate illa Platonianâ posteriora sint: siquidem vix ullum, quod adfert testimonium ultra annum à Christo nato millesimum pertingat. De inscriptionibus deinde, & derivationibus sat foret notasse, quàm debile passim in re præsentī argumentum sit, quod indè sumitur; nisi certâ quâdam, ut mox dicturi sumus, cautione adhibeatur. Auctoritates porro, quas opponit, cum Platonis, Aristotelis, Plutarchi, Aufonii, & Terentiani verbis à nobis sæpe relatis comparari non posse. Hæc, inquam, ad ponendos nos extra omnem teli jactum sufficerent. Verùm, nè quam genericâ hâc responsione difficultatem aut effugisse videamur, aut callidè dissimulasse, propiùs conferamus manum, virique, cæterâ eruditissimi, argumenta diligentius expendamus.

F

63. Pri-

63. „Primò itaque inquit : Beth hebræorum semper „quoad se flatum possidere; idèdque ad B græcorum mol- „liusculè enunciatur convenire „. Verùm quidquid de hoc flatu, quem alii nonnisi quibusdam in vocibus admittunt, sit, nobis hìc observâsse sufficiet : Platonem disertè omnem huic literæ strepitum, sibilum, flatum, vocem negare, ut supra ex ejusdem Thæteteto ostendimus, num. 33.

64. „Deinde Latini, ait, b suum cum V consonante sæ- „pius confuderunt, : probatque id ex quibusdam vocibus, nummis, & inscriptionibus marmorum. Verùm quoniam hìc inscriptionum, marmorumque fit mentio, semel à lectore notatum volumus, characteres illos à plebejis plerumque rudibusque hominibus exaratos fuisse; adeoque eò tantum conferre, ut quâ ratione voces quædam ab uno, alterove plebejo scriptæ, pronuntiatæ fuerint, intelligamus. Profestò qui hodie ex plebeculæ nostræ scripturis, aut dialecto veram linguæ Hetruscæ, aut pronuntiationem, aut orthographiam haurire vellet, nã is toto, quod dicimus, Cælo aberraret. Conferunt sanè alios ad usus ejusmodi inscriptiones; verùm in re præsentì parum probant : maximè cùm tot reperiantur contrariò prorsus modo, eodem pene tempore elaboratæ. Cæterùm V & B sæculo Trajani, & posterioribus quandoque permutata inter se fuisse non inficior. At quis indè eruditiorum pronuntiationem colligat? Germanis passim vitio datur quod b cum p, & d cum t confundant; neque tamen inferre ex eo licet peritiores ea inter se non scire accuratè distinguere.

65. Debilius multò videtur argumentum, quod repetit è quibusdam germanorum vocibus, dum Scil. ta-

fel

fel à τδβλν, & *Stampfen* à σίμβν derivat. Hæc enim derivandi si valeret ratio, quanta non ex græco in nostræ etiam favorem sententiæ possemus deducere. Quo loco reddit in memoriam mihi fabella illa, quæ in Germaniâ de quodam narrari solet, qui *Kirch* à Kyrie, & *Sacristey* à Christe derivare conatus fuerat. Sed è diverticulo in viam.

66. Nec plus habet roboris, quod adfert de B sæpe in φ commutato: dicunt enim, ait ipse, βλδξω, & φλδξω; βάσκω, & φάσκω &c. At quorsum ista? dicunt & Itali *questione* & *quistione*; *questo*, & *quistto*; *definire*, & *diffinire*, *dipendere*, & *dependere* &c., an inde inferre liceat, i & e eodem apud ipsos sono proferri?

67. Adfert deinde voces quasdam latinas græcè scriptas: v. g. βερίσιμον pro *verissimum* ex Herod. αβεια pro ονα ex Hesych. &c. certè, inquit, non ità scripssissent, nisi V consonantis potestatem huic B literæ tribuissent? Sed, quid, si ego ex eadem voce βερισιμον similiter argumentarer, dicendo: Certè non scripssissent η, & ι, nisi η idem quod e latinorum, & jota idem quod i sonuisset? quid si porro non unam, alteramve, sed innumeras ex Plutarchi historiâ adferrem voces, ubi semper au per αυ, eu per ευ, b item latinorum per βητα; e longum per ητα, e breve per εψιλον redditur? an hæc adversariis probaretur consecutio?

68. Observatum porro à se ait in MS.^o quodam τδ β à græcis efformatum fuisse ad normam u latini. Verùm si Authorem non movit, quod universa Romanorum natio in B latino eandem figuram, derivationem, potestatem, ac formam retinuerit, cur ipsum unius, alteriusve MS.^u autoritas potiùs moveat, non intelligo.

69. Dum de α agit refellere conatur, quod illi passim e longum apud latinos responderit; idque ex 34. vocibus, à se diligentissimè conquisitis demonstrari existimat. Sed quàm sublesta fidei hæ voces sint, jam supra vidimus *num. 54.* Plus sanè difficultatis præfert Gregorii Martinii interrogatio, cùm quærit, cur non eodem jure ex literarum permutatione inferamus, α græcorum sonuisse ut nostrum α ; α ut ei; α ut oi? Verùm non difficilis est responsio, modò quis meminerit, α per ai, α per ei, & α per oi priscis temporibus scriptum & pronunciatum fuisse; imò, licet circa Claudii tempora orthographia mutari ceperit, eodem tamen sono a latinis, quo à græcis prolatas fuisse. Utrumque certum est; ac primum quidem constat ex Scauro *de Orthogr.*, ex numis, ex priscis illis vocibus *aulai, piſtai, albai, aimilia, leibertas* &c., quibus adde hunc versum Virgilii: *Jam validam Ilionei navem, Orphei Caliopeia*. Alterum verò apertè nos docet Terentianus Maurus, cùm ait.

70. *ἄλφα semper atque ἰῶτα, quem parant græcis sonum,
A & E nobis ministrant: sic enim nos scribimus.
Οἱ similiter O, & E fit, ἰῶτα quod græcum fuit.
Au & eu quum copulamus, U secundam jungimus
In vicem græcæ; quod ὑψιλὸν subdita est Vocalis V.
Græca diphthongus OY literis nostris vacat,
Sola vocalis, quod V complet hunc satis sonum.
E deinde ἰῶτα, Græca quod diphthongos EI sonat.
Non erit semper necesse copulatas scribere.*

Igitur hæc objectio argumentum nostrum non tam enervat, quàm confirmat.

71. Ad Cratini versum respondet R.P.Placentinius,
libe-

liberum genti cuique esse sonum inarticulatum; & confusum pro suæ linguæ genio exprimere. Sed quâ id veri specie fiat, non satis assequor. Profectò si τὸ βῆ erat μιμητικὸν τῆ προβάτου, ut ait Eustathius, non alio proferri sono poterat, quam qui ad imitandum balatum esset idoneus. Præsertim cum veteribus etiam *bee*, non *vi* sonare viderentur oves, ut supra ex Varrone ostendimus. Quod verò nos rideat, dum etiam ab ovibus vocalium sonos ediscere cupimus, non multum me commover: Si enim Demosthenes, ait Checus, turpe sibi non ducebat à cane literam, ediscere, cur nobis ad oves in simili argumento recurrere non liceat?

72. Ad Achillem P. Placentinii jam ventum est; ad Eustathii nempe & Suidæ, ut eos vocat, *insignes locos*. Suidas ait: βῆ τὸ μιμητικὸν τῆς τῶν προβάτων φωνῆς λέγουσιν οἱ Ἀττικοί, ἐχὶ βαί. & Eustath. οἱ παλαιοὶ φασὶ μιμητικῶς βῆ ἢ μὴν βαί. Id est, ut ipse vertit, *Vi dixisse Atticos, non Be*. At unde compertum habet, ita potiùs legendum, quàm *Bee non Bai*, ut pars adversa contendit; & meliori fortassis jure? βῆ enim ut *Bee* legendum conficitur cum ex Varronis loco supra relato; tùm ex ipsà voce μιμητικῶς ut numero præcedente ostensum est. Βαί verò *bai* potiùs, quàm *be* pronunciandum luculenter ostendunt exempla à Plutarcho, cum de hujus diphthongi sono ageret, adducta; sunt autem: *Maja & Ajax*; verba recitavimus supra *cap. de diphthongis*. Vides itaque amice lector causæ nostræ nihil officere Eustathium, nihil Suidam. quin potiùs suffragari. Scio quidem Eustathium alio in loco dicere, ἴμι, & ἡμι idem omnino sonare: verùm ibidem non de Atheniensium veterum more, sed de consuetudine Thessalonicae suo fortassis ævo obtinente loqui censendus est.

73. Ad ea, quæ de permutatione «cum»; & i cum u adfert, jam patet responsio ex dictis. Advertit sanè non satis Vir optimus, argumenta quæ ab ejusmodi mutationibus desumuntur, plus eorum obesse causæ, quàm prodesse: Siquidem uni, quam adferunt ipsi, centenas faciliè opponimus. Recole etiam hic numerum 52.; ubi diphthongorum plurium in unum sensim sonum degenerantium veram causam deteximus.

74. Quod de diphthongis ait, eas unum tantum habuisse sonum, ægrè probabitur. Maximè cum in contrarium militent tot virorum antiquitate, & eruditione clarissimorum testimonia superiùs recensita; tum etiam mutarum, mediarum, aspiratarum, tenuium, vocalium, consonantium, temporumque pene omnium ab officio, quod exercent, suam appellationem accipientium exempla.

75. De ai, quid quid moliatut, nunquam solvet argumentum, quod ex Plutarcho instruximus. Reliqua quæ de au, u, ii &c. contra nos adfert solvuntur faciliè ex dictis, iisque omnibus hoc loco opposuisse sufficiat verba eruditissimi Moutsfauconii, qui in Palæogr. suâ l. c. ait: *In marmoribus, nummis, & exemplaribus ante septimum Christi sæculum paucos jotacismos sive mutationes tñ in i observavimus: in posterioribus verò sæculis mirum, quantum hoc vitium invaluerit; præsertim ab decimo Christi sæculo.*

76. Quod ad extremum addit, mutandam fore rationem cantûs, ob auctas, ampliatasque syllabas, si recentiorum invalesceret pronuntiatio, nihil est. Cum enim diphthongus per diæresin non soluta, voces nullâ augeat syllabâ, non est cur ab hoc sibi in commodo græci timeant.

77. Co-

77. Coronidis loco adjungo, quod ex Homero aliquando mihi obmovit P. Velattius. Homerus, ajebat, sæpe ἰδναι, & ἰδδναι; ἵππ, & ἵππ; ἴπ, & ἵππ inter se opponit, ut propter παρήχνην, seu annominationem, ut Rhetores latini vocant, quandam versui conciliaret gratiam. Hanc verò perire putat, si nostro quis modo pronunciat. Verùm nihil illam huic verborum lusioni officere manifestum est. Fac enim opponi inter se erei, & iri; edesan, & eddeisan, erei, & ere, an peribit παρήχνη; non magis certè quàm periret in his; Orator arator; oritur moritur &c. Sin contra quis dixerit iri, & iri, edisan, & eddisan &c. æquivocatio potius & ταυτοφωνία erit, quàm παρήχνη. Hæc si in loco, & tempore adhibetur, gratiam habet, illa verò græcis antiquis odiosa erat, ut nuper ex Plut. palam fecimus.

PARS TERTIA

De reliquis, quæ huc pertinent.

CAPUT I.

De accentibus Græcorum.

78.



RIA potissimum de accentibus quæri solent. 1. An scripti fuerint ab antiquis? deinde si scripti non fuere, an inter loquendum saltem fuerint observati? denique, si inter loquendum observati fuere, id ne in prosâ tantùm, an simul in versibus acciderit? de singulis modò, quæ vero similiora sunt, in medium adferemus. Scriptos

pros itaque ab antiquis accentus non fuisse certum omnino existimo. Persuadet enim id mihi cùm Aristotelis auctoritas, tum multa MS. vetera, tum ipsa denique ratio. *Aristoteles l. de elench. Soph. c. 3.* in hunc modum loquitur. *Ex accentu in non scriptis dissertationibus haud facile est facere argumentationem (sophisticam), sed in scriptis, & poematis potius.* Sanè nonnisi, quia inter loquendum per suos accentus voces ferme singulæ discriminabantur, in scribendo non item. Unde enim Sophistarum litigia, cavillationes, & *ῥητορικαί*, ut eas vocat Aristoteles, potissimum nascebantur, nisi ex plurium inter se vocum similitudine, quarum tamen significatio erat diversissima? Confirmant id ipsum voces variæ, quas ex Homero ibidem adfert idem Aristoteles, addens controversiam indè exortam, quòd disputarent inter se eruditi, quo accentu proferendæ forent. Si autem versus Homeri accentibus, & virgulis hodiernis insignitæ fuissent, quis dubio potuisset esse locus? Veniamus nunc ad MS., de quibus duo pariter tanquam explorata affirmo. Primum est, quod ejusmodi codices, quò antiquiores sunt, eò paucioribus notati sint accentibus. Observavi id ego cùm sæpe in variis bibliothecis in & extra Italiam; tum adhuc nuper in Codice IV.^o, ut creditur sæculi, qui extat in bibliothecâ Barberiniana, & alio Sæculi XII.^{mi}, qui adservatur apud RR. PP. Philippinos. Alterum est, quod monumenta quæ mille annorum spatium excedunt, nullo passim notentur accentu. Asserit hoc apertè peritissimus antiquitatis Montfauconius in palæographiâ; & ante ipsum testati sunt Angelus Politianus, Waltonus, & alii, quorum ille versus Sibyllarum, Callimachum, & Pandectas Florentinas; hic verò versionem

tionem antiquissimam LXX. Interpretum in Anglia se vidisse testatur sine ullis virgulis, sine spirituum, accentuumque notis. Adjungo ego eorundem bibliorum exemplar antiquissimum, quod extat in bibliotheca Vaticana. Scriptum illud est literis uncialibus antiquis, nullo accentu; ii enim qui jam videntur, aliena postea manu additi sunt, ut ex atramenti diversitate facile colligi potest. Simile quid affirmant Galli, de exemplo, quod habetur in bibliothecâ Regiâ. Atque indè est, quod Cardinalis Ximenius biblia LXX. sine ullo accentu in Hispania imprimi jusserit, nempe ut archetypo tantò magis conformia essent. Vid. *Walton. in proleg.* Bibliis his addo Codicem alium *Ephrem Syri*, exaratum sæculo circiter XII.^m quem monstrarunt mihi RR. PP. Congregationis Oratorii. Scriptus est caractere satis venusto; spiritus plures habet: accentus verò paucissimos, ac prope nullos. Quæ omnia confirmant, quomodo paulatim in scribendis accentibus à veterum more discessum sit. Ratio demum ipsa id suadere videtur: cui enim bono fuissent tot accentus, puncta, & apices apud Græcos veteres? Sciebant ipsi satis, quibus in Syllabis attollenda vox foret, & in quibus contra deprimenda: non secus, ac nos hodie id à puero addiscimus in linguis nostris vernaculis; neque ullis ad hoc indigemus accentibus, nisi fortè ad dubias aliquas voces inter scribendum distinguendas.

79. An verò inter loquendum à Græcis adhibiti fuerint accentus à syllabarum quantitate distincti, non perinde in apico est. Fuisse aliquos mihi credibilis videtur. Primò, quia alioquin ingens in loquendo oriri debuisset confusio, & perturbatio ex vocibus pene innumeris,

ris, quæ solo accentu distinguebantur. Longam illarum feriem texit Crispinus & Budæus in Lexico. Idem non obscure eruitur ex pluribus vocabulis græcis, quæ Aufonii tempore secundum accentum græcum etiam à latinis proferebantur. Testimonio sunt versus sequentes :

Per totidem partes trigonorum regula currit,

Fulgur tetragono aspectu vitale coruscat,

Tres primas Pheacum pugnas tribus ordine bellis.

Idem etiam *idola*, & *eremus* dactylos facit, perinde ut *ἰδωλα*, *ἔρημος*. Plura de his videri possunt apud *Priscianum*, & *Servium in libello de accent*. His adde locum illum Demosthenis *pro coron.* à variis jam tum relatum, ubi cum Orator dedita operâ pronuntiasset *μίσθωτος*, illico à populo correctus fuit, inclamantibus omnibus *μίσθωτος*, *μίσθωτος*.

80. Cæterum an accentus, quos declinante jam lingua vocibus appinxerunt Grammatici, iidem planè sint cum Atheniensibus, quis statuet? in multis certè erratum fuisse videtur credibilius. Verùm cum hos detegere errores in nullius hodie facultate positum sit, vulgatis accentibus acquiescat oportet, qui prosam non, ut multi faciunt, secundum quantitatem pronuntiare voluerit.

CAPUT II.

De Versuum quantitate.

81. **N**otum est, græcos hodiernos pro aris, quod dicitur, & focis contendere, versus perinde ac prosam secundum accentus quondam recitados fuisse. Verum ægrè id mihi persuaserint: quæ enim, obsecro, harmonia, quæ gratiâ foret, siquis hunc in modum Homerum legeret? discerni sanè ab audiente non posset, prosa,
an-

an metrum sit, quod legitur. Faciamus è contrario alium secundum quantitatis leges hos versus proferre, continuò apparebit metri ratio, redibit sua poemati majestas, & decor. Profectò in dubium vocari non potest, easdem semper in versu observatas à græcis fuisse quantitatis regulas, quas à latinis, nullam verò assignari posse, ad quam in accentibus certo inter se ordine copulandis adverterint. Ex quo non ineptè colligitur, venustatem carminis apud latinos, æquè ac græcos in eo positam fuisse, ut syllabæ vocesque aptè caderent, diversaque ab ea, quæ in prosa est, efficeretur syllabarum vocumque modulatio. Non desunt quidem, qui cum Ludovico Vives existiment, & accentus, & quantitatis in versu rationem fuisse habitam; verùm & hoc difficulter intelligi potest: Siquidem accentus cum quantitate pugnet sæpissime: quam enim hæc attollere, hanc ille deprimere; quam hæc longiori, hanc ille breviori spatio syllabam percurri exigit, ut quivis se ipso facilè poterit experiri. Cicero ait in Oratore: *In versu quidem theatra tota reclamant, si sit una syllaba aut brevior, aut longior. Nec verò multitudo pedes novit nec ullos numeros tenet; nec illud quod offendit, aut cur, aut in quo offendant, intelligit; & tamen omnium longitudinum, & brevitatum in sonis, sicut acutarum, graviumque vocum judicium ipsa natura in auribus nostris collocavit.* Sanè, si secundum accentus pronunciari debuissent versus, quoties non *reclamare* debuissent *theatra*, & indignari, quod *longiores, aut breviores fierent syllabæ, quam postulare videbatur judicium, quod ipsa natura in auribus nostris collocavit!* Quamobrem cum ex ipsis græcorum versibus perspicuum sit, quod ad eandem pedum mensuram exacti fuerint, quam latini; neque ulla appareat ratio hanc

hanc harmoniam cum accentibus vulgatis conciliandi ; infertur non secundum accentuum hodiernorum , sed solius quantitatis regulas quondam fuisse decantatos .

COROLLARIUM.

Quanam sit hodie in pronuntiatione via eligenda ?

82. **Q**uari ad extremum posset , ad quam presentium rerum statu pronuntiationem se præstet assuefacere ? quæ in re , si mea quis stare volent sententia , eam amplectetur , quæ vel in Academia , ubi studiis operam navat , usu recepta est ; aut scopo quem sibi præfixit , fuerit accommodatior . Profecto si quis non intelligere solum , sed & loqui græcè vellet , is ad receptum inter Græcos loquendi morem accommodare omnino se deberet , ut intelligeretur , & intelligeret . Sin verò , quod plurimi faciunt , eo tantum consilio in hoc studium quis voluerit incumbere , ut scriptores legere , linguamque latinam plenius addiscere possit , huic eam quam hic præpugnavi , consultam mallet ; utpote faciliorem , veriorum , cum latino sermone magis consentientem , nostrisque etiam auribus multò , quàm illa alia est , jucundiorum . Neque criminis magni postulandos censerem linguæ græcæ Doctores , si in instillandis genuinis Atticarum dictionum formulis , quàm in inculcandis nullo penitus fructu accentibus , & enclyticorum regulis tempus suarum prælectionum consumerent .

Habes amice lector opinionem nostram de hac controversia : tuum nunc erit re in utramque partem expensa dijudicare , jure an injuria de linguæ græcæ corruptela literati conquerantur .

A. M. D. G.



200
3



